

四庫全書

集部

欽定四庫全書

集部

唐詩拾遺

目錄
卷一

詳校官檢討

臣

德生

助教

臣

常循覆勘

總校官進士

臣朱鈴

校對官編修

臣勵守謙

謄錄監生

臣薛夢陽

唐詩拾遺序

予既愛唐詩喜編錄初採衆作裒為一集曰唐詩品彙
凡得唐諸家六百二十人共詩五千七百六十九首分
為九十卷自洪武甲子迨于癸酉方脫稿其用心亦勤
矣切慮見知之所不及選擇之所忽怠猶有以沒古人
之善者於是再取諸書深加攬括或舊未聞而新得或
前見置而後錄掇其漏搜其逸又自癸酉迄戊寅是編
始就復增作者姓氏六十有一詩九百五十四首為十

卷題曰唐詩拾遺附于品彙之後足為百卷以成集成
曰唐詩於此盡矣吁尚何能盡之哉蓋唐世以詩取士
士之生斯世也孰不以詩鳴其精深閎博窮極興致而
壞奇雅麗者往往震發散落天地間篇什之多莫可限
量矧余之窮山獨處力勢孤微無以博觀天儲四庫之
盛徒貽坐井之譏耳然嗜好之篤夙志未平冀待將來
之歲月得以窮探遠討續錄別抄庶見唐詩之集大成
者此予之素願也聊誌斯語抑有望於同志者為余增

廣耳目焉洪武戊寅秋新寧高棟謹誌

欽定四庫全書

唐詩拾遺目錄

卷一

五言古詩上

太宗皇帝

許敬宗

虞世南

魏徵

李百藥

于志寧

令狐德棻

杜正倫

陳子良

任希古

劉孝孫

王易從

盧照鄰

劉庭芝

沈佺期

宋之問

陳子昂

喬知之

李嶠

李義府

徐顏伯

張說

蘇頲

源乾曜

徐仁友

王翰

李林甫

權澈

張九齡

蔡思寂

蔡文恭

宋務光

張光朝

包融

陶翰

劉昫虛

儲光義

李頎

常建

吳筠

孟雲卿

丁仙芝

劉復

卷二

五言古詩下

劉長卿

錢起

皇甫冉

韓翃

盧綸

姚係

陳存

嚴維

釋皎然

李端

顧況

李益

朱灣

暢當

楊衡

于鵠

德宗皇帝

權德輿

武元衡

李夷簡

劉禹錫

李正封

張籍

王建

呂溫

孟郊

歐陽詹

白居易

元稹

鮑溶

姚合

陳陶

溫庭筠

劉駕

陸龜蒙

任翻

卷三

七言古詩

長孫無忌

李康成

盧照鄰

薛曜

司馬逸客

喬知之

宋之問

武三思

張柬之

王諲

張說

許景光

王翰

王泠然

賀知章

孫逖

萬齊融

蔡孚

韋應物

劉長卿

馮著

錢起

李嘉猷

釋皎然

李端

顧況

李益

張建封

楊巨源

劉禹錫

孟郊

李紳

白居易

陳陶

溫庭筠

李羣玉

陸龜蒙

卷四

五言絕句

陳叔達

郭振

孟浩然

裴迪

崔顥

王昌齡

崔國輔

高適

岑參

錢起

韋應物

皇甫冉

李端

戴叔倫

張仲素

令狐楚

李賀

張籍

劉禹錫

楊巨源

白居易

張祐

陸龜蒙

李暇

薛維翰

山中客

樂府

七言絕句

崔敏重

崔惠

杜審言

沈佺期

韋嗣立

蘇頲

李乂

宋之問

武平一

孟浩然

張子容

裴迪

王維

王昌齡

高適

錢起

韋應物

劉長卿

秦係

皇甫曾

李嘉祐

釋皎然

釋靈一

包佶

司空曙

韓翃

顧況

徐嶷

李正封

李益

劉商

武元衡

張仲素

令狐楚

韓愈

李涉

劉禹錫

張籍

楊巨源

呂溫

李賀

劉言史

陳羽

歐陽詹

沈亞之

杜牧

許渾

趙嘏

陳陶

溫庭筠

周朴

吳融

王駕

韋莊

王貞白

江為

樂府

盧貞

王周

卷五

五言律詩上

楊炯

王勃

陳子昂

盧照鄰

駱賓王

宋之問

劉友賢

李嶠

鄭愔

沈佺期

魏元忠

周利用

張易之

蕭至忠

武平一

閻朝隱

于經野

薛稷

徐彥伯

崔湜

馬懷素

李適

李乂

劉憲

蘇頲

張說

張九齡

孫逖

王灣

崔顥

孟浩然

王維

岑參

高適

賈至

王昌齡

祖詠

綦毋潛

李頎

張均

賈彥璋

嚴公貺

增入 原係摘句今全載

太宗皇帝

孟浩然

王維

卷六

五言律詩中

錢起

劉長卿

韋應物

皇甫冉

皇甫曾

釋皎然

釋靈一

釋法振

嚴維

耿漳

李端

韓翃

盧綸

崔峒

郎士元

司空曙

苗發

蔣渙

包何

包佶

林珣

張萬頃

魏兼恕

周瑀

王烈

顧況

戎昱

張南史

朱灣

冷朝陽

于鵠

陳潤

楊衡

劉商

戴叔倫

增入 原係摘句今全載

劉長卿

錢起

李端

耿漳

李嘉祐

韓翃

卷七

五言律詩下

權德輿

武元衡

楊巨源

釋廣宣

劉禹錫

韓愈

張籍

李賀

王良士

呂溫

白居易

顧非熊

張祐

朱慶餘

賈島

周賀

釋無可

許渾

李商隱

馬戴

劉得仁

趙嘏

項斯

溫庭筠

李頻

劉滄

皮日休

方干

李昌符

周朴

張喬

羅隱

曹松

鄭谷

李洞

張蠡

韋莊

增入原條摘句今全載

許渾

李頻

卷八

五言排律上

劉禕之

褚亮

孔德昭

楊炯

盧照鄰

沈佺期

宋之問

蘇味道

李嶠

武三思

武平一

崔湜

張嘉貞

趙彥昭

蘇頲

張說

王翰

許景先

韓休

袁暉

張九齡

孫逖

孟浩然

張子容

張光朝

宋鼎

盧象

祖咏

李頎

王維

高適

岑參

王昌齡

張謂

陳希烈

卷九

五言排律下

錢起

劉長卿

耿緯

釋皎然

釋法振

皇甫冉

皇甫曾

包佶

嚴維

李嘉祐

盧綸

司空曙

顧況

張繼

張南史

戴叔倫

權德輿

李吉甫

武元衡

殷寅

李岑

釋廣宣

劉禹錫

韓愈

釋無可

許渾

劉得仁

馬戴

姚鵠

張莒

鄭畋

葉元良

薛有誠

王邕

度敬休

盧征

李敬方

錢可復

黃頗

左牢

張隨

張少博

石殷士

盧肇

亡名氏

卷十

七言律詩

李義府

邵昇

韋元旦

崔湜

薛稷

李適

崔日用

馬懷素

武平一

張說

蘇頲

萬楚

張謂

劉長卿

鮑防

顧況

李嘉祐

郎士元

包何

盧綸

司空曙

耿渾

李端

崔峒

苗發

釋靈一

釋護國

釋清江

釋法振

張南史

朱灣

戴叔倫

武元衡

權德輿

劉禹錫

楊巨源

王建

釋廣宣

朱慶餘

白居易

李紳

賈島

張祐

薛逢

溫庭筠

趙嘏

陳陶

紀唐夫

李羣玉

司馬禮

皮日休

張喬

李中

羅隱

周朴

唐彥謙

韋莊

翁綬

韓喜

增入

原係摘句今全載

閻朝隱

岑參

錢起

劉長卿

李嘉祐

韓翃

盧綸

司空曙

嚴維

耿渾

賈島

許渾

杜牧

趙嘏

李頻

韋莊

張泌

譚用之

杜甫

[illegible]

欽定四庫全書

唐詩拾遺卷一

明 高棅 編

五言古詩上

太宗皇帝

帝京篇三首

落日雙闕昏迴輿九重暮長煙散初碧皎月澄輕素
寒幌翫琴書開軒引雲霧斜漢耿層閣清風搖玉樹

鳴茄臨樂館。眺聽歡芳節。急管韻朱絃。清歌凝白雪。綵鳳肅來儀。玄鶴紛成列。去茲鄭衛聲。雅音方可悅。飛蓋去芳園。蘭橈遊翠渚。萍間日彩亂。荷處香風舉。桂楫滿中川。絃歌振長嶼。豈獨汾河曲。方為歡宴所。

元日

高軒暖春色。邃閣媚朝光。彤庭飛彩牒。翠幌曜明璫。恭已臨四極。垂衣馭八荒。霜戟列丹陛。絲竹韻長廊。穆矣薰風茂。康哉帝道昌。繼文遵後軌。循古鑒前王。草秀故

春色梅艷昔年粧
巨川思欲濟終以寄舟航

重幸武功

代馬依朔吹驚禽愁昔槩
況茲承睿德懷舊感深衷
積善欣餘慶暢武悅成功
垂衣天下治端拱車書同
白水巡前迹丹陵幸舊宮
列筵歡故老高宴聚新豐
駐蹕撫田峻迴輿訪牧童
瑞氣縈丹闕祥煙散碧空
孤嶼含霜白遙山帶日紅
於焉歡擊筑聊以咏南風

許敬宗

奉和元日應制

天正開初節日觀上重輪百靈滋景祚萬土慶惟新
待旦敷玄造韜旒御紫宸武帳臨光宅文衛象鈎陳
廣廷揚九奏大帛麗三辰發生同化育播物體陶鈞
霜空澄曉氣霞景瑩芳春德輝覃率土相賀奉還淳

虞世南

從軍行

烽火發金微連營出武威孤城寒雲起絕陣虜塵飛
俠

客吸龍劍惡少縵胡衣朝摩骨都壘夜解谷蠡圍蕭關
遠無極蒲海廣難依沙磴離旌斷晴川候馬歸交河梁
已畢燕山旆欲飛方知萬里相侯服有光輝

魏徵

奉和正日臨朝

百靈侍軒后萬國會塗山豈如今睿哲邁古獨光前聲
教溢四海朝宗引百川鏘洋鳴玉珮灼爍耀金蟬淑景
輝雕輦高旌揚翠煙庭寶超王會廣樂盛鈞天既欣東

日戶復咏南風篇願奉光華慶從斯萬億年

李百藥

登葉縣故城謁沈諸梁廟

總轡臨秋原登城望寒日煙霞共掩映林野俱蕭瑟楚
塞鬱不窮吳山高漸出客行殊未已沐澡期終吉椒桂
莫芳樽風雲下虛室館宇肅而靜神心康且逸伊我非
真龍勿驚疲朽質

于志寧

冬日宴羣公于宅

得五字

陋巷朱軒擁衡門，緹綺來俱裁七步詠。
同傾三雅杯，色動迎春柳。花發犯寒梅，賓筵未半醉。
驪歌不用催。

令狐德棻

冬日宴羣公于宅

得趣字

高門聊命賞，羣英於此遇。放曠山水情，留連文酒趣。
夕煙起林蘭，霜枝殞庭樹。落景雖已傾，歸軒幸能駐。

杜正倫

冬日宴羣公于宅

得節字

李門余妄進徐榻君恒設清論暢玄言雅琴飛白雪寒
雲暖落景朔風淒暮節方欣投轄情且駐當歸別

陳子良

夏晚尋于政世置酒賦韻

聊從嘉遁所酌醴共抽簪以茲山水地留連風月心長
榆落照盡高柳暮蟬吟一反桃源路別後難追尋

任希古

和七月七日臨昆明池

秋風始搖落秋水正澄鮮
飛眺牽牛渚激賞鏤鯨川
岸珠淪曉魄池灰歛曙煙
汎查分瀉漢儀星別構天
雲光波處動日影浪中懸
驚鴻絳蒲弋遊鯉入莊筌
萍葉疑江上菱花似鏡前
長林代輕幄細草即芳筵
文華開翠瀨筆海控清漣
不挹蘭樽聖空仰桂舟仙

劉孝孫

早發成臯望河

清晨發巖邑車馬走輾輳迴瞰黃河上愴怵屢飛魂
流導積石驚浪下龍門仙槎不辨處沈壁想猶存遠近
洲渚山颯沓鳬鴈喧懷古空延佇歎逝將何言

王易從

臨高臺

漢主事祁連良人在高闕空臺寂已暮愁坐變容髮汎
艷春幌風徘徊秋戶月可憐軍書斷空使流芳歇

盧照鄰

赤谷安禪師塔

獨坐巖之曲悠然無俗紛
酌酒呈丹桂思詩贈白雲煙
霞朝晚聚猿鳥歲時聞水華
競秋色山翠含夕曛高談
十二部細覈五千文如如數
冥昧生生理氛氲古人有
糟粕輪扁情未分且當事
芝朮從吾所好云

贈益府裴錄事

忽忽歲云暮相望限風煙
長歌欲對酒危坐遂停絃
停絃變霜露對酒懷朋故
朝看桂蟾晚夜聞鴻鴈度
鴻鴈度

何時還桂晚不同攀浮雲映丹壑明月滿青山雲
路深丹壑月華臨耿耿離憂積空令星鬢侵

贈益府羣官

一鳥自北燕飛來向西蜀單棲劍門上獨舞岷山足昂
藏多古貌哀怨有新曲羣鳳從之遊問之何所欲答言
寒鄉子飄飄萬餘里不息惡木枝不飲盜泉水常思稻粱
遇願棲梧桐樹智者不我邀愚夫余不顧所以成獨坐耿
耿歲云暮日夕苦風霜思歸赴洛陽羽翮毛衣短關山道

路長明月流客思白雲迷故鄉誰能借風便一舉凌蒼蒼
劉庭芝

巫山懷古

巫山幽陰地神女艷陽年襄王同客色落日望悠然歸
來高堂夜金缸燭青煙頻想卧瑤席夢魂何翩翩搖落
殊未已榮華倏徂遷愁思滿湘浦悲涼雲夢田猿啼秋
風夜鴈飛明月天已歌不可聽聽此益潺湲

沈佺期

辛丑歲十月上幸長安時扈從出西嶽作

西鎮何穹崇壯哉信靈造諸嶺皆峻秀中峰特美好傍
見巨掌存勢如石東倒頗聞首陽去開拆此河道磅礴
壓洪源巍峩壯清昊雲泉紛亂瀑天磴屹橫抱子先呼
其巔宮女世不老下有府君廟歷載傳灑掃星明應天
遊十月戒豐鎬微末忝閒從兼得事蘋藻宿心愛此山
意欲拾靈草陰壑已冰閉雲竇絕探討芳月期來過迴
策思方浩

同工部李侍郎送司馬白雲歸天台

紫微降天仙丹地投雲藻上言華頂事中間長生道華
頂居最高大壑朝陽早長生術何妙童顏後天老清晨
朝鳳京夜靜思鴻寶憑崖飲蕙氣過澗摘靈草人非冢
已荒海變田應燥昔常遊北郡三霜弄溟島緒言霞上
開機事塵外掃頃來拋世務清曠未云保崎嶇待漏恩
休惕司言造軒皇重齋拜漢武受祈禱順風懷崆峒承
露在豐鎬泠然委輕馭復得快幽抱闕下留伯陽儲闡

登四皓昔有參同訣何時一探討

宋之問

洞庭湖

地盡天水合朝及洞庭湖初日當中涌莫辨東西隅
晶耀目何在滢熒心欲無靈光晏海若游氣耿天兵張樂
軒皇至征苗夏禹徂楚臣悲落葉堯女泣蒼梧野積九
江潤山通五嶽圖風恬魚自躍雲夕鴈相呼獨此臨汎
漾浩將人代殊永言洗氛濁卒歲為清娛要使功成追

徒勞越大夫

景龍四年春祠海

肅事祠春溟宵齋洗蒙慮雞鳴見日出驚下觀濤驚地
濶八荒近天迴百川澍筵端按空曲日外唯雰霧暖氣
物象來周遊晦明互致腥匪玄享裡滌期靈煦的的波
際禽云云島間樹安期今何在方丈蔑尋路仙事與世
隔冥搜徒已屢四明背羣山遺老莫辨處撫中良自慨
弱齡忝恩遇三入文史林兩拜神仙署雖歎出關遠始

知臨海趣賞來空自多理勝孰能喻留楫竟何待徙倚
忽云暮

陳子昂

贈趙貞固二首

田中烽火入塞上追兵起此時邊朔寒登隴思君子東
顧望漢京南山雲霧裏

赤螭媚其綵婉孌蒼梧泉昔者琅琊子躬耕亦慨然美
人豈遐曠之子乃前賢良辰在何許白日屢頽遷道心

固微密神用無留連舒可瀾宇宙攬之不盈拳蓬茅久
蕪沒金石徒精堅良寶委短褐聞琴獨嬋娟

喬知之

擬古贈陳子昂

惻惻孤形影悄悄獨遊心以此從王事常與子同衾別
離三河間征戰二庭深胡天夜雨霜胡鴈晨南翔節物
感離別同衾還故鄉南歸日將遠北方尚蓬飄孟秋七
月時相送出外郊海風吹涼木邊聲暗稍稍勤役千萬

里將臨五十年心事為誰道抽琴歌坐筵一彈再三歎
賓御涕潸潸送君竟此曲從茲長絕絃

李嶠

奉教追赴九成宮途中口號

委質承仙翰祇命遙遙策事偶從梁遊人非背淮客長
驅歷川阜迴眺窮原澤鬱鬱桑柘繁油油禾黍積雨餘
林氣靜日下山光夕未攀藜桂巖猶倦飄蓬陌行當奉
麾蓋慰此勞行役

李義府

招諭有懷贈同行人

遠遊冒艱阻深入勞存諭春去辭國門秋還在邊戍軒
車行未返節序催難駐陌上悲轉蓬園中想芳樹蜀山
自紛糾岷水恒奔注臨汎多苦懷登攀寡歡趣永夕飛
淫雨崇朝蒸毒霧不求綏嶺桃寧美邛鄉蒟白狼行欲
靜驄馬何常驅

唐韻區遇切集者未知此音或改
為駐而不知前已押難駐誤矣

願

接輅旆塵聯翩東北驚

徐彥伯

贈劉舍人古意

女牀閼靈鳥文章世所稀
巢君碧梧樹舞君青瑣闥
或言鳳池樂撫翼更西飛
鳳池環禁林仙閣靄沈沈
璇題激流日珠網綿清陰
郁穆帝言重煒煌台座深
風張丹朶翻月弄紫庭音
衆綵結不散孤英跂莫尋
浩歌向蘭渚婉孌故傳心

張說

夕宴房主簿舍

歲晏闌雍空風急河渭冰薄遊羈物役微尚愜遠憑旅
館月宿永閉扃雲思興伊人美脩夜朋酒惠來稱交談
既清雅琴吹亦淒凝不逢君騫酒幽意長鬱蒸

奉酬韋祭酒自湯還都經龍門北溪莊見貽之作
聞君湯井至瀟灑戲郊林拂曙攜清賞披雲親綠岑歡
然遊覽意款曲望歸心是日期佳客同山忽異尋桃花
遷路轉楊柳間門深汎舟伊水漲繫馬香樹陰繁絃弄

水族嬌吹狎沙禽春滿汀色媚景斜嵐氣深懷仁殊未
遠重德匪輕臨來藻敷幽思連詞報所欽

登九思臺

是楚樊
姬墓

楚國所以霸樊姬有力焉不懷沈尹祿誰進叔敖賢萬
化茫無在孤墳獨歸然北分陽臺陌南識郢城阡漠漠
諸宮樹蒼蒼雲夢田登高形勝出訪古今名傳自我來
符守因君樹蕙荃詩書將變俗締纈忽彌年志闌三折
後愁值二毛前佇立帝京路搖心寄此篇

贈崔公

我聞西漢日四老南山幽長歌紫芝秀高卧白雲浮朝
市光塵絕榛蕪年貌秋一朝驅駟馬連袂入龍樓昔遁
高皇去今從太子遊行藏唯聖節禍福在人謀卒能匡
惠帝豈不賴留侯事隨年代遠名與圖籍留平生欽厚
德慷慨景前脩蚌蛤想陰兔蛟龍望斗牛無嗟異飛伏
同氣幸相求

蘇頲

和杜主簿春日有所思

朝上高樓上俯見洛陽陌搖蕩吹花風落英紛已積美人不共此芳好空所惜攬鏡塵網滋當牕苔蘚碧緬懷在雲漢良願睽枕席翻似無見時如何久為客

奉和聖製過晉陽宅應制

隋運與天絕生靈厭氛昏聖期在寧亂士馬興太原立極萬邦推登庸四海尊慶膺神武帝業付皇曾孫緬慕封唐道追惟歸沛魂詒書感先義典禮巡舊藩高殿綵

雲合春旗祥風翻率西見汾水奔北空塞垣款曲童兒
佐依遲故老言里頒慈惠賞家受復除恩下輦崇三教
又作建碑當九門孝思敦至美億載奉開元

源乾曜

奉和聖製送張尚書巡邊

匈奴邇河朔漢地須戎旅天子擇英才朝端出監撫流
星下閭閻寶鉞專公輔禮物生光輝宸章備恩詔有征
視矛戟制勝唯樽俎彼美何壯哉桓桓擅斯舉聲華振

臺閣功德標文武奉國知命輕忘家以身許安人在勤
恤保大殫襟腑此外無異言同情報明主

徐仁友

古意贈孫翌

南望緱氏嶺山居共澗陰東西十數里緬邈方寸心雲
日落廣廈鶯花對孤琴琴中多苦調悽切誰復尋

王翰

贈唐祖二子

鴻飛遵枉渚，鹿鳴思故羣。
物情尚勞愛，況乃予別君。
別時花始發，別後蘭再熏。
瑤觴滋白露，寶瑟凝涼氛。
徘徊北林月，悵望南山雲。
雲月渺千里，音微不可聞。

李林甫

秋夜望月憶韓席諸侍郎因以投贈

秋天碧雲夜，明月懸東方。
皓皓庭際色，稍稍林下光。
桂華澄遠近，壁影散池塘。
鴻鴈飛難度，關山曲易長。
揆予秉孤直，虛薄忝文昌。
握鏡慙先照，持衡愧後行。
多才衆

金匱山房 卷一
君子載筆久詞場作賦推潘岳題詩許謝康常時陪宴
語今夕恨相望願欲接高論清晨朝建章

權澈

題沈黎城

蘇子卧北海馬翁渡南洲迹恨事乃立功達名遂休夜
聞羽書至召募此邊州鐵騎耀楚甲玉匣橫吳鉤雪厚
羣山凍蓬飛荒塞秋久戍曷辭苦數戰期封侯不學豎
儒輩一經垂白頭

張九齡

折楊柳

纖纖折楊柳，持取寄情人。
一枝何足貴，憐是故園春。
遲景那能久，芳流不及新。
更愁征戍客，容鬢老邊塵。

登城樓望西山作

城樓枕南浦，日夕顧西山。
宛宛鸞鶴處，高高煙霧間。
仙井今猶在，洪崖久不還。
金編莫我授，羽駕亦誰攀。
簷際千峯出，雲中一鳥閒。
縱觀窮水國，遊思遍人寰。
勿復塵

金分
卷一
埃事歸來早閉關

秋晚登樓望南江入始興郡路

潦收沙衍出霜降天宇晶伏檻一長眺
津途多遠情思來江山外望盡雲煙生
滔滔不自辨役役且何成我來
颯衰鬢孰云飄華纓櫪馬苦蹉跎
籠禽念遐征歲陰況
婉婉日夕空屏營物生貴得性身累由近名
內顧覺今是追歡何時平

嘗與大理丞來公府丞田公偶詣一所林沼尤

勝因並坐其次相得甚歡遂賦詩焉以詠其事
方駕與吾友同懷不異尋偶逢池竹處便會江湖心夏
近林方密春餘水更深清華兩輝映閒步一窺臨蘋藻
復嘉色鳧鷖亦好音韶芳媚洲渚蕙氣襲衣襟蕭散皆
為樂徘徊從所欽謂予成夙志歲晚共抽簪

冬中至玉泉山寺屬窮陰冰閉崖谷無色及仲
春行縣復往焉故有此作

靈境信幽絕芳時春暄妍再來及茲勝一遇非無緣萬

木柔可結千花敷歛然松間鳴好鳥竹下流清泉石壁
開精舍金光照法筵真空本自寂假有聊相宣從此灰
心者仍追巢頂禪簡書雖有畏身世亦俱捐

登郡城南樓作

閉閣幸無事登樓聊永日雲霞千里開洲渚萬形出澹
澹澄江漫飛飛度鳥疾邑人半艫艦津樹多楓橘感別
時已屢憑眺情非一遠懷不我同孤興與誰悉平生本
單緒解后承復秩謬忝為邦寄多慙理人術駕鈍雖自

勉倉廩素非實陳力倘無效謝病從芝朮

題畫山水障

心累猶不盡果為物外牽偶因耳目好復假丹青妍嘗
抱野間意而迫區中緣塵事固已矣秉意終不遷良工
適我願妙墨揮巖泉變化合羣有高深倅自然置陳北
堂上做像南山前靜無戶庭出行已茲地偏萱草憂可
樹合歡念亦蠲所因本微物況乃憑幽筌言象會自泯
意色聊相宣對翫有佳趣使我心眇綿

已上係初唐之詩

蔡希寂

登福先寺上方然公禪室

名都標佛剎萬構臨河干
舉目上方峻森森青翠攢
步登諸劫盡忽造浮雲端
當暑扃闥邃却嫌締綵寒
禪房最高頂靜者殊閒安
踈雨向空城數峰簾外盤
午鐘振衣坐招我同一餐
真味雜飴露衆香唯蒹蘭
晚來忘偃俛茶果仍留歡

蔡文恭

奉和夏日遊山應制

首夏林壑清薄暮煙霞上連巖聳百仞絕澗臨千丈照
灼晚花鮮潺湲夕流響悠然動睿思息駕尋真賞挾彼
渦川作懷茲洛濱想竊吹等齊竽何用承恩獎

宋務光

海上作

曠哉朝夕池大矣乾坤力浩浩去無際云云深不測崩

騰歎衆流決漭環中國鱗介錯殊品氛霞饒詭色天波
混莫分島樹遙相識漢主探靈怪秦皇恣遊陟搜奇大
壑東竦望成山北方術徒相誤蓬萊安可得吾君畧仙
道至化孚淳默驚浪按窮溟飛航通絕域馬韓底厥貢
龍伯脩其職粵我邁休明匪躬期正直敢輸鷹隼勢以
間豺狼忒海路行已殫輜軒未遑息勞君玄月暮旅涕滄
浪極魏闕渺雲端馳心負歸翼

張光朝

荻塘西莊贈房元垂

門在荻塘西塘高何聯聯往昔分地利遠近無間田水
國信汙下霖霖即成川苗稼盡湮沒茲鄉獨豐年家肥
侍親懿人樂思管絃日晏始能起盥漱看厨煙醞酒寒
正熟養魚長食鮮黃昏鐘未鳴偃息早已眠何意久城
市寂寥丘中緣俛仰在顏色區區人事間憶昔炎漢時
乃知綺季賢靜默不能仕養老終南山

包融

答國子張主簿

湖岸纔初解鶯啼別離處遙見舟中人時時一迴顧坐
悲芳歲晚花落青軒樹春夢隨我心搖揚逐君去

酬忠公林亭

江外有真隱寂居歲已侵結廬近西術種樹久成陰人
迹乍及戶車聲遙隔林自言解塵事咫尺能韜沈為道
豈廬霍會靜由吾心方秋院木落仰望日蕭森持我興
來趣採菊行相尋塵念到門盡遠情對君深一談入理

窟再索破幽襟安得山中信致書移尚禽

後漢逸民傳尚長字子平

與北海禽慶字子夏二人相善

陶翰

秋山夕興

山月松篠下月明山景鮮聊為高秋酌復此清夜絃
晤語方獲志栖心亦彌年尚言興未逸更理逍遙篇

劉春虛

越中問海客

風雨滄洲暮一帆今始歸自云發南海萬里速如飛初
謂落何處永將無所依冥茫漸西見山色越中微誰念
去時遠人經此路稀泊舟悲且泣使我亦沾衣浮海馬
用說憶鄉難久違縱為魯連子山路有柴扉

儲光義

題辨覺精舍

朝隨秋雲陰乃至青松林花閣空中遠方池巖下深竹
風亂天語溪響成龍吟試問真君子遊山非世心

題慎言法師故房

精廬不住子自有無生鄉
過客知何道徘徊鴈子堂
浮雲歸故嶺落月還西方
日夕虛空裏時時聞異香

石甕寺

遙山起真宇西向盡花林
下見宮殿小上看廊廡深
苑花落池水天語聞松音
君子又知我焚香期化人

題崔山人別業

南陽隱居者築室丹溪源
溪冷懼秋宴室寒欣景暎
山

雞鳴蘭閣水霧入衡門東嶺或舒嘯北牕時討論封君
渭川竹逸士漢陽園何必空同上獨為堯所尊

行次田家澳梁作

田家俯長道邀我避炎氛當暑日方晝高天無片雲桑
間禾黍氣柳下牛羊羣野雀棲空屋晨風不復聞前登
澳梁坂極望溫泉分逆旅方三舍西山猶未曛

昭聖觀

主家隱溪口微路入花源數日朝青閣彩雲猶在門雙

樓夾一殿玉女侍玄元扶櫟盡蟠木步欄多畫幡新松
引天闕小栢繞山樊坐弄竹陰遠行隨溪水喧石池辨
春色林獸知人言未逐鳳凰去真宮在此原

題辛道士房

全神不言命所尚道家流迨此遠商楚遂令思北遊先
生秀衡嶽玉立居玄丘門帶江山靜房隨瑤草幽逍遙
三花發罔象五雲浮自有太清紀曾垂草髮憂大年方
索齋小智即蜉蝣七日赤龍至莫令余獨留

登秦嶺作時陷賊歸國

朝出猛獸林躩踞登高峯
僮僕履雲霧隨我行太空
羲和舒靈暉倏忽西極通
迴首望涇渭隱隱如長虹
九達合蒼蕪五陵遙瞳矇
鹿遊大明殿露濕華清宮
網羅蛟螭時顧齒熊羆鋒
失途走江漢不能有其功
氣遂招搖星魂隨閭闔
風唯言宇宙清復使車書
同秋水被繁霜合沓連山
紅鵬鶚勵羽翼俯視荊棘
叢誓將食鷁鵠然後歸崆
峒

李頎

古塞下曲

行人朝走馬直指薊城旁
薊城通漢北萬里別吾鄉
海上千烽火沙中百戰場
軍書發上郡春色渡河陽
裊裊漢宮柳青青胡地桑
琵琶出塞曲橫笛斷君腸

贈別穆元林

貳職久辭滿藏名三十年
丹墀策頻獻白首官不遷
明主日徵士吏曹何忽賢
空懷濟世業欲棹滄浪船
舉酒

洛門外送君春海邊
彼鄉有令弟小邑試烹鮮
轉浦雲壑媚涉江花鳥連
綠芳暗楚水白鳥飛吳煙
贈贖亦奚貴亂流期復旋
金閨會通籍生事豈徒然

送綦毋三謁房給事

夫子大名下家無鍾石儲
惜哉湖海上曾校蓬萊書
外物非本意此生空淡如
所思但乘興遠適維單車
高道時坎壈故交願吹噓
徒言青瑣闥不愛承明廬
百里人戶滿片言諍訟疎
手持蓮花經目送飛鳥餘
晚景南路

別炎雲中伏初此行儻不遂歸食蘆洲魚

常建

太公哀晚遇

日出渭流白文王畋獵時釣翁在蘆葦川澤無熊羆詔
書起遺賢足馬令致辭因稱江海人臣老筋力衰遲遲
詣天車怏怏悟靈龜兵馬更不獵君臣皆共怡同車至
咸陽心影無磷緇四牡玉墀下一言為帝師王侯擁朱
門軒蓋耀長逵古來榮華人遭遇誰如之落日懸桑榆

光景有頓虧
倏悲天地人
雖貴將何為

空靈山應田叟

湖南無村落
山舍多黃茆
淳朴如太古
其人居鳥巢
牧童唱巴歌
野老亦獻嘲
泊舟問谿口
言語皆啞咬
士俗不尚農
豈暇論肥瘠
莫徭射禽獸
浮客烹魚鮫
余亦累
置人獲麋
今尚苞敬君
中國來願以
充其庖
日入聞虎
鬬空山
滿哮哮
懷人雖共安
異域終難交
白水可洗心
采薇可為
散曳策背落
日江風鳴
稍稍

贈王侍郎

高山臨大澤正月蘆花乾
陽色熏兩崖不改青松寒
士賢守孤貞古來皆共難
明君惜其才臺上飛二鸞
操與霜雪明量與江海寬
束身視天涯安能共波瀾
孤鶴在枳棘一枝非所安
逸翮望絕霄見欲凌雲端
層臺何其高山色流洪湍
固知非天池鳴躍同所驩
誰念獨枯槁四十長江干
貴躬責知己効拙從一官
折翮悲高風苦飢候朝食
湖月映大海天空何漫漫
托身未知所謀道

金少隱詩集卷一
庶不刊吟彼喬木詩一夕常三歎

吳筠

步虛詞三首

稟化凝正氣鍊形為真仙忘心符元宗返本叶自然帝
乙集絳宮流光出丹玄元英與桃君朗咏長生篇六府
煥明霞百闕羅紫煙飈車涉寥廓靡靡乘景遷不覺雲
路遠斯須遊萬天

灼灼青華林靈風振瓊柯三光無冬春一氣清且和迴

首邇結靈傾眸親曜羅豁落制六天流鈴威百魔繇繇
慶不極誰謂椿齡多

爰從太微上四覲虛皇尊騰我入景輿威遲入天門既
登玉宸庭肅肅仰紫軒敢問龍漢末如何闢乾坤怡然
輟雲璈告我希夷言幸聞至精理方見造化源

同劉主簿承介建昌江汎舟作

吾友從吏隱和光心杳然鳴琴正多暇嘯侶浮清川風
霽遠登映昭昭涵洞天坐驚衆峰轉乃覺孤舟遷崖嶼

非一狀差池過目前徘徊白日暮月色江中鮮真興殊
未已滔滔且汭汭時歌滄浪曲或誦逍遙篇酣暢迷夜久
遲遲方告旋此時無相與其旨在忘筌

緱山廟

朝吾自嵩山驅駕遵洛汭逶遲輟轅側仰望緱山際王
子謝時人笙歌此賓帝仙材夙所賓寶位焉足繫為迫
丹霄期闕流蒼生惠高蹤邈千載遺廟今一詣肅肅生
風雲森森列松桂大君弘至道層構何壯麗稽首環金

壇焚香陟瑤砌伊予超浮俗塵慮久已閑
沉復清夙心
蕭然叶真契

孟雲卿

悲哉行

孤兒去慈親遠客喪主人莫吟苦辛曲此曲誰忍聞可
聞不可說去去無期別行人念前程不待參辰沒朝亦
恒苦饑暮亦恒苦饑飄飄萬餘里貧賤多是非少年莫
遠遊遠遊多不歸

行行且遊獵篇

少年多武力勇氣冠幽州何以縱心賞馬蹄春草頭
遲平原上狐兔奔林丘猛虎忽前逝俊鷹連下鞬俯身
逐南北輕捷固難儔所發無不中失之如我讐豈唯務
馳騁猗爾暴田疇殘殺非不痛古來良有由

古挽歌

草草閭巷喧塗車儼成位冥冥何所須盡我主人意北
邙路非遠此別終天地臨穴頻撫棺至哀反無淚爾形

未衰老爾息纔童稚骨肉安可離皇天若容易房帷即
靈帳庭宇為哀次薤露歌若斯人生盡如寄

田園觀雨兼晴後作

貧賤少情欲借荒種南陂我非老農圃安得良土宜秋
成不廉儉歲餘多餒饑顧視食廩間有糧不成炊晨登
南園上暮歇清蟬悲早苗既芃芃晚田尚離離五行孰
堪廢萬物當及時賢哉數夫子開耜慎勿遲

丁仙芝

欽定四庫全書

和薦福寺英公新構禪室

上人久棄世中道自忘筌寂照出羣有了心清衆緣所
以於此地築館開青蓮果藥羅砌下煙虹垂戶前呪中
灑甘露指處流香泉神遠日無事體清宵不眠枳聞廬
山法松入漢陽禪一枕四山外虛舟常浩然


劉復

送王倫

春江日未曛楚客酣送君翩翩孤黃鶴萬里滄洲雲四

方各有志豈得常顧羣山連巴湘遠水與荆吳分清光
日脩阻尺素安可論相思寄夢寐瑤草空氛氲

已上係盛唐之詩



唐詩拾遺卷一

欽定四庫全書

集部

唐詩拾遺卷二

詳校官檢討臣德生

助教臣常循覆勘

總校官進士臣朱 鈐

校對官編修臣勵守謙

謄錄監生臣薛夢陽

欽定四庫全書

唐詩拾遺卷二

明 高棟 編

五言古詩下

劉長卿

寄李侍御

舊國入未歸
芳洲草還碧
年年湖上春
悵望江南客
驄馬西入關
白雲獨何適
相思煙水外
惟有心不隔

橫龍渡

空傳古岸下曾見蛟龍去秋水晚沈沈猶疑在深處亂
聲沙上石倒影雲中樹獨見一扁舟樵人往來渡

送裴四判官赴河西軍試

吏道宜易愜如君誰與儔逢時將騁驥臨事無金牛鮑
叔幸相知田蘇頗同遊英姿挺孤秀清論含九流出塞
佐持簡辭家擁鳴騶憲臺貴公舉幕府資良籌武士佇
明試皇華難久留陽關望天盡洮水令人愁萬里看一

鳥曠然煙霞收晚花對古戍春雪寒邊州道路雖暫隔
音塵仍可求他時相望處明月西南樓

奉使新安自桐廬縣嚴陵釣臺宿七里灘下寄
使院諸公

悠然釣臺下懷古時一望江水自潺湲行人獨惆悵新
安從此始桂楫方蕩漾迴轉百里間青山千萬狀連崖
去不斷對嶺遙相向夾岸黛色秋沈沈綠波上夕陽留
古木水鳥拂寒浪月下扣舷聲煙中採菱唱猶憐負羈

東未暇依清曠牽役徒自勞近名非所向何時故山裏
却醉松花釀迴首唯白雲孤舟復誰訪

早春贈別趙居士還江左時長卿下第歸嵩陽
舊居

見君風塵裏意出風塵外自有滄洲期含情十餘載深
居鳳城北日預龍華會果得僧家緣能遺俗人態一身
今已適萬物如何愛悟法電已空看心水無礙且將窮
妙理兼欲尋勝概何獨謝客遊當為遠公輩放舟馳楚

郭負杖辭秦塞目送南飛雲令人想吳會遙思舊遊處
髣髴疑相對夜火金陵城春煙石頭瀨滄波極天末萬
里明如帶一片孤客帆飄然向青靄楚天含江氣雲色
常靄靄隱見湖中山相連數州內君行意可得全與時
人背歸路隨楓林還鄉念萸菜顧予尚羈束何幸承盻
睐素願徒自勤清機本難逮累年忝賓薦末路逢沙汰
獲落名不成徘徊意空大逢時難貴達守道甘易退逆
旅鄉夢頻春風客心碎別君日已遠離念無明晦子亦

金少卿集卷二
返柴荆山田事耕耒

錢起

雨中望海上懷鬱林觀中道侶

山觀海頭雨懸沫動煙樹只疑蒼茫裏鬱鳥欲飛去大
塊怒天吳驚潮蕩雲路羣真儼盈想一葦不可渡惆悵
赤城期願假輕鴻馭

廣德初鑾駕出關後登高愁望

長安不可望望處邊愁起輦轂混戎夷山河空表裏黃

雲壓城闕斜照移峰壘漢幟遠成霞胡馬來如蟻不知
涿鹿戰早晚蚩尤死渴日候河清沈憂催暮齒

海畔秋思

匡濟難道合去留隨興牽偶為謝客事不願平子田魏
闕賁翹楚此身長棄捐箕裘空在念拙誰推賢無用
即明代養病仍壯年日夕望佳期帝鄉路幾千秋風晨
夜起零落愁芳荃

過沈氏山居

雞鳴孤煙起靜者能卜築喬木出雲心閒門掩山腹貧
交喜相見把臂懽不足空林留宴言永日清耳目泉聲
冷樽俎荷氣香童僕往往仙犬鳴樵人度深竹酒酣出
谷口世望何羈束始願今不從區區折腰祿

羅章陵令山居過中峰道者

丘壑趣如此暮年始棲隱賴遇無心雲不笑歸來晚鳴
鳩拂紅枝初服傍清畎昨日山僧來猶嫌嘉遁淺託君
紫陽家路滅心更遠梯雲創其居抱犢上絕巘杏田谿

一曲霞徑峰幾轉
跂石揖飛泉
謝公應在眼
願言攜手去採藥
長不返

皇甫冉

屏風上各賦一物得攜琴客

不是向空林
應當就磐石
白雲知隱處
芳草迷行迹
如何祇役心
見爾攜琴客

寄高雲

南徐風日好
悵望毘陵道
毘陵有故人
一見恨無因
獨

蘇少卿集卷二
戀青山久唯令白髮新
每嫌持手板時見著頭巾
煙景臨寒食農桑接仲春
家貧仍嗜酒生事今何有
芳草遍江南
勞心憶攜手

雜題

與張補闕王鍊師自徐方清路同舟而南下臺頭寺留別趙員外裴補闕同賦

朝朝春事晚汎汎行舟遠
淮海思無窮悠揚煙景中
幸將仙子去復與故人同
高枕隨流水輕帆任遠風
鐘聲野寺迴草色故城空
送別高臺上徘徊共惆悵
懸知白日斜定是猶相望

曾東遊以詩寄之

出郭離言多迴車始知遠寂然曾城暮更念前山轉總
轡越城臯浮舟背梁苑朝朝勞延首往往若眼落日
孤雲還邊愁迷楚關如何椒花發復對遊子顏古寺杉
枯裏連檣洲渚間煙生海西岸雲見吳南山驚風掃蘆
荻翻浪連天白正是揚帆時偏逢江上客由來許佳句
況乃愜所適嵯峨天姥峰翠色春更碧氣淒湖上雨月
淨剡中夕釣艇或相逢江離又堪摘迢迢始寧野蕪沒

謝公宅朱槿列摧墉蒼苔徧幽石顧予任踈懶期爾振
羽翮滄洲未可行須售金門策

韓翃

送李明府赴滑州

渭城寒食罷送客歸鳥道烏帽背斜暉青驪踏春草酒
醒孤燭夜不冷千山早去事沈尚書應憐詞賦好

送客遊江南

桂水隨去遠賞心知有餘衣香楚山橘手膾湘波魚芳

芷不共把浮雲悵離居遙想汨羅上弔屈秋風初

送李司直赴江西使幕

歛板辭漢庭進帆歸楚幕五江城上轉九里人家泊好
酒近宜城能詩謝康樂雨晴西山樹日出南昌郭竹露
點衣巾湖煙濕局鑰主人蒼玉珮後騎黃金絡高枕領
八州相期同一鶴行當報已知從此飛寥廓

盧綸

同吉中孚夢桃源

夜靜春夢長夢逐仙山客林園滿芝朮雞犬傍籬柵幾
處花下人看余笑頭白

送道士郝彛素歸內道場

病老正相仍忽逢張道陵羽衣風淅淅仙貌玉稜稜叱
我問中壽教人祈上昇樓居五雲裏幾喚武皇登

姚係

秋夕會友

倦客易相失懽遊無良辰忽然一夕間稍慰閨家貧白

露下庭梧孤琴始悲辛
迴風入幽草蟲響滿四鄰
會遇更何時持杯重殷勤

楊叅軍莊送宇文邈

秋雲冒原隰野鳥滿林聲
愛此田舍事稽君車馬程
離堂慘不喧脉脉復盈盈
蘭葉一經露香消為贈輕
燈光耿方寂蟲思隱逾清
相望忽無際如含江水清

陳存

送劉秀才南歸

金分
卷二
鳥啼楊柳垂此別千萬里古路入南山春風生灞水停
車落日在罷酒離人起蓬戶寄龍沙送歸情詎已

嚴維

送丘為下第歸蘇州

滄江一身客獻賦空十年明主豈能好今日誰舉賢國
門稅征駕旅食謀歸旋瞰日媚春水綠蘋香客船無媒
既不達余亦思歸田

僧皎然

奉陪陸使君長源裴端公樞春遊虎丘寺

雲水夾雙剎遙疑涌平陂入門見藏山元化何由窺
曳組探詭怪停驂訪幽竒情高氣為爽德煖春亦隨
瑤草自的皪蕙樓爭蔽虧金精發壞陵劒綵沈靈池
一覽匝天界中峰步未移應喜生公石列坐援松枝

李端

折楊柳

東城攀柳葉柳葉低着草少壯莫輕年輕年有人老柳

發遍川岡登高堪斷腸
雨煙輕漠漠何樹近君鄉
贈君折楊柳顏色豈能久
上客莫沾巾佳人正回首
新柳送君行古柳傷君情
突兀臨荒渡婆娑出舊營
隋家兩岸盡陶宅五株平日暮
偏愁望春山有鳥聲

顧況

謝王郎中見贈琴鶴

此琴等焦尾此鶴方胎生
赴節何徘徊理感物自并
獨立江海上一彈天地清
朱絃動瑤華白羽飄玉京
因想

羨門聳眇然四體輕子喬翔鄧林王母遊層城忽如啓
靈署鸞鳳相呼鳴何由玉女牀去食琅玕英

長安竇明府後亭

君為長安令我美長安政五日一朝天南山對明鏡鳥
飛青苔院水木相輝映客至南薰鄉絲桐展歌詠吏人
何肅肅終歲無喧競欲識明府賢邑中多百姓

和翰林吳舍人兄弟西齋

君家誠易知易知復難同新裁一尺詔早入明光宮西

齋何其高上與星漢通永懷洞庭石青色相玲瓏又懷
巴峽泉夜落君絲桐信是怡神所迢迢茂華嵩鳥飛晴
雲滅疊嶂盤虛空君家誠易知易知意難窮

從江西至彭蠡入浙西淮南界道中寄齊相公
大賢舊丞相作鎮江上雄自鎮江上來何人德如公處
士待徐孺仙人期葛洪一身控上遊八郡趨下風比屋
除畏溺林塘曳煙虹生人罷虔劉井稅均以充大府肅
無事歡言接悲翁心清者文泉目送孤飛鴻數年鄱陽

掾抱責棲微躬首陽及汨羅無乃偏其衷楊朱并阮籍
未免哀途窮四賢雖得仁此怨何怱怱老氏齊寵辱於
陵一窮通本師留度門平等冤親同能依二諦法了蓮
三輪空真境靡方所出則內外中無邊盡未來定惠雙
脩功蹇步慙寸進飾裝隨轉蓬朝行楚水陰夕宿吳洲
東吳洲覆白雲楚水飄丹楓晚霞燒迴潮千里光曠曠
滄開海上影桂吐淮南叢何當翼明庭草木生春融

李益

賦得早燕送別

碧草漫如線去來雙飛燕長門未有春先入班姬殿梁
空繞復息簷寒窺欲遍今至隨紅藥昔還悲素扇一別
與秋鴻差池詎相見

蓮塘驛

五月渡淮水南行遠山陂江村遠雞應竹裏聞綠絲楚
水肌髮美蓮塘煙露滋菱花覆碧渚黃鳥雙飛時渺渺
汴遠憑風託微詞斜光動流睇此意難自持女歌本

輕艷客行多怨思
女蘿蒙幽蔓擬上青桐枝

入華山訪隱者經仙人壇

三考西嶽下官曹
少休沐久負青山諾
今還獲所欲常聞玉清洞
金簡受玄錄
夙駕升天行雲霞恣遊宿
平明矯輕策捫石入空曲
征人古石壇苔遶青瑤
局陽桂凌煙紫陰蘿冒水綠
隔山聞丹經懸泉注明玉
前驚羽人會白曰天居肅
問我將致辭笑之自相目
疎身雲遂起仰見雙白鵠
墮其一紙書文字類鳥足
視之了不識三

返又三復歸來問方士舉世莫能讀何必若蜉蝣然後
為跼促鄙哉宦遊子身志俱降辱再往不及期勞歌叩
山木

朱灣

七賢廟

常慕晉高士放心日沈冥湛然對一壺土木為我形下
馬訪陳迹披榛詣荒庭相看兩不言猶謂醉未醒長嘯
或可擬幽琴難再聽同心不共世空見薜門青

暢當

宿報恩寺精舍

鐘梵送沈景星多露漸光風中蘭靡靡月下樹蒼蒼夜
殿如山橫深松如澗涼羸然虎谿子遲我一虛牀杳杳
空寂舍濛濛蓮桂香擁褐依西壁紗燈靄中央

楊衡

宿陟岵寺雲律師院

象宇鬱參差寶林踈復密中有彌天子燃燈坐虛室心

澄紅蓮喻跡羈青眼律玉鑪揚翠煙金經開縹帙陳
堅固學破我夢幻質碧水灑塵纓涼風當夏日宿禽詎
相保迸火煙欲失願迴戚促勞趨隅事休逸

于鵲

寄盧儼員外秋衣詞

寄遠空以心心誠亦難知篋中有秋帛裁作遠客衣縫
製雖女工尺度手自持容貌常目中長短不復疑斜縫
密且堅遊客多塵縑意欲都無言澣濯耐歲時殷勤託

行人傳語慎勿遺別來已年老亦聞鬢成絲縱然更相逢握手唯是悲所寄莫復棄願見長相思

德宗皇帝

三日書懷因示百僚

佳節上元已芳時屬暮春流觴想蘭亭捧劍傳金人風輕水初綠日晴花更新天文信昭回皇道頗敷陳恭已每從儉清心常保真戒茲遊衍樂書以示羣臣

已上係中唐之詩

權德輿

竹徑偶然作

退朝此休沐閉戶無塵氛
支策入幽徑清風隨此君
琴觴恣偃傲蘭蕙相芬苴
幽賞方自適林西煙景曛

初秋月夜中書宿直因呈楊閣老

歌枕直直廬暇風蟬迎早秋
沈沈玉堂夕皎皎金波流
對掌喜新命分曹諧舊遊
相思翫華彩因感庾公樓

奉和聖製仲春麟德殿會百僚觀新樂

仲月藹芳景內庭宴羣臣森森列干戚濟濟趨鈞陳大
樂本天地中和序人倫正聲邁咸復易象合義文玉俎
映朝服金鈿明舞裀韶光雪初霽聖藻風自薰時恭恩
澤溥功成行綴新賡歌仰昭回竊比華封人

武元衡

奉和聖製豐年多慶九日示懷

令節寰宇泰神都佳氣濃賡歌禹功盛擊壤堯年豐九
奏碧霄裏千官皇澤中南山澹疑黛曲水清涵空金玉

美王度歡康謠國風睿文垂日月永與天無窮

奉和聖製重陽日即事六韻

玉燭降寒露我皇歌大風
重陽德澤振萬國歡娛同綺陌
擁行騎香塵凝曉空
神都自藹藹佳氣助蔥蔥
律呂金石暢景光
天地通徒然被鴻霈無以報玄功

奉酬李十二尚書大使西亭暇日書懷見寄十二韻之作

鼎鉉昔云忝西南分主憂
煙塵開楚道旌節護蠻陬
任

重功不立力微恩未酬據鞍慙齒髮責帥懼春秋高德
聞鄭履儉居稱晏裘三刀君入夢九折我迴輶時景屢
遷易茲馬期退休方追故山事豈謂台階留遐揖清靜
理眷言蘭杜幽一緘瓊玖贈萬里別離愁巴嶺雲外沒
蜀江天際流懷賢耿遙思相望鳳池頭

李夷簡

西亭暇日書懷十二韻獻上武元衡相公

勝賞不在遠無然念冥搜茲亭有殊致經始富人侯澄

金匱山房集卷二
澹分沼沚紫迴間林丘荷香奪芳麝石榴當鳴球撫俗
來康濟經邦去咨謀寬明治時論惠愛聞賾謳代斲豈
容易守成獲優游文翁舊學校子產昔田疇琬琰富佳
什池臺想舊遊誰言矜改作曾是日增脩憲省忝陪屬
岷峨嗣徽猷提攜當有路勿使滯刀州

劉禹錫

華清宮詞

日出驪山東徘徊照溫泉樓臺相玲瓏稍稍開白煙言

昔太上皇常居此祈年風中聞清樂往往來列仙翠華
入五雲紫氣歸上玄哀哀生人淚泣盡弓劍前聖道本
自我凡情徒顚然小臣感玄化一望青冥天

送華陰尉張茗赴邕府使幕

張即燕公之孫
頃坐事除名

昔忝南宮郎往來東觀頻嘗披燕文傳聲若窺三辰翊
聖崇國本保賢正朝倫高視緬今古清風曩無鄰蘭綺
照道衡一家十朱輪鄴國嗣侯絕為卿貴業貧夫子承
大名少年振芳塵青袍仙掌下矯首陵煙旻公治本非

罪藩郎一為民風霜苦搖落堅白無緇磷一旦逢良時
天光燭幽淪重為長裾客佐彼觀風臣分野窮禹畫人
煙過虞巡不言此行遠所樂相知新雨起巫山陽鳥鳴
湘水濱離筵出蒼莽別曲多悲辛今朝一杯酒明日千
里人從此孤舟去悠悠天海春

送湖陽熊判官孺登府罷歸鍾陵因寄呈江西
裴中丞二十三兄

射策志未就從事府云除篋留馬卿賦袖有劉弘書忽

見夏木深悵然憶吾廬復持州民刺歸謁專城居君家
誠易知勝絕傾里閭人言北郭生門有卿相與鍾陵藹
千里帶郭西江水朱檻照河宮旗亭綠雲裏前年初缺
守慎簡由宸扆臨軒奏郡章得人方付此是時左馮翊
天下第一理貴臣持牙璋優詔發青紙迎風奸吏免先
令疲人喜何武刻腐儒陳蕃禮高士昔昇君子堂腰下
綬猶黃

中丞時為
萬年尉

汾陰有寶氣赤堇多奇鏐束簡下曲

臺佩鞬來歷陽綺筵陪一笑蘭室襲餘芳風水忽異勢

江湖遂相忘因君儻借問

一作倘有問

為話老滄浪

李正封

夏遊招隱寺暴雨晚晴

竹栢風雨過蕭疎臺殿涼石渠瀉奔溜金刹照顏陽鶴
飛巖煙碧鹿鳴澗草香山僧引清梵幡蓋遶回廊

張籍

野居詩

貧賤易為適荒郊亦安居端坐無餘思彌樂古人書秋

田多良苗野水多遊魚我無耒與耜安得充廩厨寒天
白日短簷下暖我軀四支漸寬柔中腸鬱不舒多病減
志氣為客足憂虞沉復苦時節覽景獨踟蹰

西州詩

羌胡據西州近甸無邊城山東收稅租養我防塞兵胡
騎來無時居人常震驚嗟我五陵間農者罷耘耕邊頭
多殺傷士卒難全形郡縣發丁役丈夫各征行生男不
能養懼身有姓名良馬不念秣烈士不苟營所願除國

難再逢天下平

王建

汎水曲

載酒入煙浦
方舟汎綠波
子酌我復飲
子飲我復歌
蓮深微路通
峰曲幽氣多
閱芳無留瞬
弄桂不停柯
水上秋月鮮
西山碧峨峨
茲歡良可貴
誰復更來過

呂溫

衡州送李兵曹赴湘東

慷慨視別劍淒清汎離琴前程楚塞斷此別洞庭深文
字久已廢循良非所任期君碧雲上千里一揚音

孟郊

夢澤中行

楚山爭蔽虧白日無全輝楚路多迴感旅人有迷歸騏
驎思北首鷓鴣願南飛我懷京洛遊未厭風塵衣

送清遠上人歸楚山舊寺

波中出吳境霞際登楚岑水寺一別來雲蘿三改陰詩

誇碧雲句道證青蓮心應怪萍汎者不如松隱深

夜集汝州郡齋聽陸僧辨彈琴

康樂寵詞客清宵意無窮徵文北牕外借月南樓中千
里愁併盡一樽懽暫同胡為憂瑟瑟淅瀝起寒風

贈裴樞端公

君子量不極胸吞百川流嫉邪霜氣直問客春辭柔日
戶書暉靜月杯宵景幽詠驚芙蓉發嘯激風颭秋鸞步
獨無侶鶴音清寡儔幸霑分寸顧散此千萬憂

聽琴

颯颯微雨收
翻翻桐葉鳴
月沈亂峰西
寥落三四星
前溪忽調琴
隔水寒琤琤
聞彈正弄聲
不敢枕上聽
迴燭整頭簪
漱泉立中庭
定步履齒深
久貌禪目冥
微風吹衣襟
猶認宮徵聲
學道三十年
未免憂死生
聞彈一夜中
會盡天地情

歐陽詹

春日途中寄故園所親

金分四八ノ二
卷二
客來度年華故園未云返悠悠去源水日日只有遠始
歎秋葉零又看春草晚寄書南飛鴻相憶劇鄉遠

白居易

立秋夕涼風忽至炎暑稍消即事詠懷寄汴州
節度使李二十尚書

娟娟簷樹動好風西南來紅缸霏微滅碧幌飄飄開披
襟有餘涼拂簟無纖埃但喜煩暑退不惜光陰催河秋
稍清淺月午方徘徊或行或坐卧體適心悠哉美人在

浚都旌旗繞樓臺雖非滄溟阻難見如蓬萊蟬迎節又
換鴈送書未迴君位日寵重我年日摧頽無因風月下
一共平生杯

元稹

分流水

古時愁別淚滴作分流水日夜東西流分流幾千里通
塞兩不見波瀾各自起與君相背飛去去心如此

清都夜境

夜久連觀靜斜月何晶瑩寥天如碧玉歷歷細華星樓
榭自陰映雲牖深冥冥纖埃悄不起玉砌寒光清棲鶴
露微影枯松多怪形南廂儼容衛音響如可聆啓聖發
空洞朝真趨廣庭閒開藥珠殿暗閱金字經屏氣動方
息凝神心自靈悠悠車馬上浩思安得寧

四皓廟

巢由昔避世堯舜不得臣伊呂雖急病湯武乃可君四
賢無為者千載名氛氲顯晦有遺跡前後疑不倫秦政

虐天下黷武窮生民諸侯戰必死壯士者亦嚙張良韓
孺子推碎屬車輪遂令英雄意日夜思報秦先生相將
去不復嬰世塵雲卷在孤岫龍潛為小鱗秦皇轉無道
諫者鼎鑊親茅焦脫衣諫先生無一言趙高殺二世先
生如不聞劉項爭天下先生遊白雲海內八年戰先生
全一生漢業日已定先生名亦振不得為濟世宜哉為
隱淪如何一朝起屈作儲貳賓安存孝惠帝推顓臾夫
人捨大以謀細虬蟠而螭伸惠帝竟不嗣呂氏禍有因

雖懷安劉志未若周與陳皆落子房術先生道何屯此
處貴明白故吾今有云

鮑溶

塞上

朔風號薊門殺氣日夜興咸陽三千里鐵馬如饑鷹行
子久去鄉見山不敢登寒日慘大野虜雲若飛鵬西北
防秋軍麾幢宿層水匈奴天未喪戰鼓長騰騰漢卒馬
上老樊纓空絲繩誠知天所驕欲罷又不能

姚合

架上藤

濛濛紫花藤下覆清溪水若遣隨波流不如風飄起風
飄或近人隨波千萬里

陳陶

遊子吟

棲鳥喜林曙驚蓬傷歲闌關河三尺雪何處是天山朔
風無重衣僕馬饑且寒慘慼別妻子逢迴出門難男兒

值休明豈是長泥蟠何者為木偶何人侍金鸞鬱悒守
貧賤悠悠亦無端進不圖功名退不處巖巒窮道在何
日光景如跳丸富貴苦不早令人摧心肝誓期春之陽
一振摩霄翰

送沈次魯南遊

高臺贈君別滿握軒轅風落日一揮手金鵝雲雨空黿
洲石梁外劍浦羅浮東茲興不可接脩脩煙際鴻

溫庭筠

鄴郊別墅寄所知

拄頤望平綠萬景集所思
南塘遇新雨百草生容姿幽
鳥不相識美人如何期徒然
委搖蕩悵惆春風時

和沈參軍招友生觀芙蓉池

桂棟坐清曉瑤琴商鳳絲
沉聞楚澤香適與秋風期
遂從棹萍客靜嘯煙草滑
倒影迴澹蕩愁紅媚漣漪
湘莖久鮮滋宿雨增離披
而我江海意楚遊勤夢思
北渚水雲蔓南塘煙露枝
豈無臺榭芳獨與鷗鳥知
珠墜魚迸

金史卷之三
卷二
淺影多鳬汎遲落英不可攀返照昏登陂

劉駕

釣臺懷古

澄流可濯纓嚴子但垂綸孤坐九層石遠笑清渭濱
潛龍飛上天四海豈無雲清氣不零雨安使澆埃塵
我來吟高風彷彿見斯人江月尚皎皎江石亦磷磷
如何臺下路明日又迷津

陸龜蒙

別離曲

丈夫非無淚，不灑別離間。
仗劍對樽酒，恥為遊子顏。
蝮蛇一螫手，壯士疾解腕。
所患在功名，離別何足歎。

任翻

洛陽道

憧憧洛陽道，塵下生春秋。
行者豈無家，無人在家老。
雞鳴前結束，爭去恐不早。
百年路傍盡，白日車中曉。
求富江海狹，取貴山嶽小。
二端立在途，奔走無由了。

唐詩拾遺卷二